

Machabae. ⁷³⁹
 tate milites et bellorum magistri doctissimi, armis assumptis, potestatis iussu per via
 et devia quaeque cursu veloci apud Plantam de Borfagliago iterum devenere; ibidem
 populum Liviensium inventum more fulminaverunt paterno; et ferocitatem, quam in
 corde habebant, illo die opere adimpleverunt [a]; et patrum [b] sectando vestigia,
 gloriam acquisierunt non modicam et nomen aeternum, eos fere omnes capiendo,
 vulnerando ac interficiendo. Post hos properabant Ariminenses cum quingentis pedi-
 tibus electis manarolas habentibus [c], et Ravennates multos magna stipante ca-
 terva sanguinem civium super omnia sitientes, cum petreris ad lapides [d] jacendos
 et balistis de suave ad cives suaviter interficiendos, multisque ferreis, quae porci
 in naribus consueverunt habere, in Faventinorum hominibus [e] mittere non titu-
 bantes, et treulis ferreis [f] ad equorum hominumque pedes infigendos, et alio tor-
 mentorum genere [g], quod lingua romana basiapedes vocatur: ut facerent nos obro-
 brium vicinis nostris, subsanationem et illusionem [h] his, qui in circuito nostro
 sunt, et dicerent in provincia: ubi eorum Petrus? ubi eorum Apostolus? ubi eorum
 Claviger? Hoc Deus Omnipotens, qui est secretorum inspector, de excelso suo
 sancto prospiciens, qui fraudes nemini patrocinari promittit, civium preces suo Cla-
 vigerio lacrimabiliter sparsas exaudiens, cuius adiutorio [i] in bello victores exi-
 stunt, non vult eos ab antiquis suorum patrum vestigiis deviare, reddens vicinis
 septuplum [j] in sinu eorum, et improprium [k] ipsorum; quia non in multitudine
 exercitus victoria belli, si de caelo est. Prae timore autem civium, omnes qui iniqui-
 tatem contra eos tractavere, contriti sunt, et deiecta est [l] victoria in manus civium;
 sole iustitiae [m] in civium clipeis refulgendo, eos ibidem occidendo, prosternendo,
 capiendo ac prosequendo. Dum haec ita geruntur, milites Ravennates, Ariminenses,
 Livenses et alii, qui conflictui interesse noluere [n], videntes eorum populum, quasi
 navim omni salubri vento penitus destitutam, et fluctus non posse evadere, alii atque
 alii per invia et (non invia) paulatim pedetentimque, revertabantur. Venerunt insuper
 illuc [o] viri religiosi inter eos pacem cupientes componere. Eduxerunt Faventinum
 potestatem [p] in medium inter cives et hostes, nam prope per iactum lapidis erant;
 et ex adverso potestas venit [q] Ravennatum cum Malvicino comite et Paulo Tra-
 versaria et Archiepiscopo Ravennae, Ariminensium potestas cum Bonocomite de
 Monteferetro [r], et Liviensium potestas ibidem; quibus Faventinorum potestas, stans
 super destrarium suum, suae indixit vestigia, quasi tuba vocem extollens, sic orsus
 est: Si vultis tamquam captos beati Petri, nostri vexilliferi et communis Faventiae
 vos vocare [s], vobis iter redeundi licentiam exhibebo. Cuius verborum seriei [t] Paulus
 non respondit; sed eum pro communi rogabat Faventino, [u], ut, pro servitiis quae

[a] opere adimpleverunt, C. V.; operibus adimpleverunt, C. A. — [b] et patrum, C. V.; eorum
 patrum, C. A. — [c] manarolas habentibus, C. V.; manatolas habentibus, C. A. — [d] ad lapides. Sic
 supplevi. Sed totus hic locus corruptus est, et magno labore ad aliquem sensum eruendum incubui, modo
 unius, modo alterius codicis lectione pro re nata usus. — [e] in Faventinorum hominibus. Sic lego. C. V., in
 Faventinorum omnibus; C. A., in Faventinorum civibus. — [f] et treulis ferreis. Sic Codd. An legendum, et
 torculis? — [g] infigendos, et alio tormentorum genere. Sic suppleo et corrigo; nam Codd. habent: infingentes
 et tormentorum genus. — [h] subsanationem et illusionem. Sic muto. Codd. V. et A., subsanatio et illu-
 sio. — [i] ejus adiutorio, C. A.; ejus adiutorio, C. V. — [j] vicinis septuplum, C. V.; nostris septuplum, C. A.
 — [k] et improprium, C. A.; et imperium, C. V. — [l] deiecta est, C. V.; directa est, C. A. — [m] sole
 iustitiae, Codd. habent; sol justitiae. — [n] interesse noluere. Sic lego; interessent noluere, Codd. — [o] in-
 super illuc, C. A.; insuper ibi, C. V. — [p] Faventinum potestatem, Codd. habent; Faventini potestatem.
 — [q] venit, est additio. — [r] de Monteferetro, C. V.; de Montefeltro, C. A. — [s] vos vocare. Codd.,
 vos vocari. — [t] ejus verborum seriei. Codd., quibus verborum seriei. — [u] pro communi rogabat
 Faventino. Pro Faventino, C. V. habet: Faventinos.